

UNIVERZITET U TUZLI
SENAT

Broj: 03-4395-1-7/20

Tuzla, 30.09.2020. godine

Na osnovu člana 60.stav (1) tačka a) Zakona o visokom obrazovanju („Službene novine Tuzlanskog kantona“, broj: 07/16, 10/16, 5/17, 15/17, 15/19) i člana 119a. Zakona o izmjenama i dopunama Zakona o visokom obrazovanju („Službene novine Tuzlanskog kantona“ broj: 9/20), člana 52. stav (1) tačka a) Statuta Univerziteta u Tuzli, te Naredbe i Preporuka Kriznog štaba Federalnog ministarstva zdravstva od 16.09.2020. godine, Senat Univerziteta u Tuzli na sjednici održanoj dana 30.09.2020. godine, donio je

ODLUKU

**o načinu organizacije nastave, ispita i odbrana završnih radova
na Univerzitetu u Tuzli**

I

Nastava na fakultetima/Akademiji Univerziteta u Tuzli na prvom, integriranom prvom i drugom, drugom i trećem ciklusu studija u zimskom semestru akademske 2020/21. godine organizovati će se na klasičan način koji podrazumjeva fizičko prisustvo i interakciju studenata i nastavnika/saradnika ili kombinovano: klasičnim načinom i kao nastava na daljinu, u zavisnosti od broja studenata na studijskoj godini, broja grupa za vježbe, broja studenata u grupi za vježbe, u skladu sa raspoloživim prostorom, te svim specifičnostima i zahtjevima studijskih programa fakulteta/Akademije, uz primjenu važećih epidemioloških mjera i preporuka nadležnih organa.

II

Bliži način organizacije nastave (predavanja, vježbe, konsultacije i sl.) u skladu sa tačkom I ove Odluke utvrdit će dekani fakulteta/Akademije.

III

Nastava u učionici može se organizovati u dvije smjene (od 8:00 do 21:00 h), vodeći računa da se rasporedom nastave osigura kontinuitet unutar jedne smjene.

IV

Dekani fakulteta/Akademije u obavezi su na web stranici fakulteta/Akademije objaviti informaciju o načinu organizacije nastave i raspored nastave za sve studijske godine.

V

Organizacija ispita (parcijalne provjere znanja, rokovi za absolvente i imatrikulante) bliže će se utvrditi posebnom Odlukom Senata.

VI

Odbrane završnih radova prvog, integriranog prvog i drugog, drugog i trećeg ciklusa studija, kao i odbrane projekata, organizovati će se uz primjenu važećih epidemioloških mjera i preporuka nadležnih organa.

VII

Za realizaciju ove Odluke zadužuju se dekani fakulteta/Akademije.

VIII

Ova Odluka stupa na snagu danom donošenja, a objavit će se na web stranici Univerziteta.

Dostaviti:

1x Fakulteti/Akademija

1x Rektorica

1x Ured za nastavu i studentska pitanja

1x Služba za pravne, kadrovske i opšte poslove

1x Senat

Predsjedavajuća Senata

Dr. sci. Nermina Hadžigrahić, red. prof.

